



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-215-4/24**
Datum: **17.07.2024.godine**

«Agencija za vodno područje rijeke Save» Sarajevo rješavajući po zahtjevu pravnog lica «SARAJEVSKI KISELJAK» d.o.o. Kiseljak za donošenje rješenja o vodnoj dozvoli za ispuštanje tehnoloških otpadnih voda sa lokacije kompleksa za proizvodnju osvježavajućih pića, mineralne vode i drugih flaširanih voda, izgrađene u ulici Kraljice Mira 7, općina Kiseljak, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi:

RJEŠENJE **o vodnoj dozvoli**

1. Pravnom licu «SARAJEVSKI KISELJAK» d.o.o. Kiseljak, daje se vodna dozvola za ispuštanje tehnoloških otpadnih voda iz pogona kompleksa za proizvodnju osvježavajućih pića, mineralne vode i drugih flaširanih voda sa predmetne lokacije, izgrađene u ulici Kraljice Mira 7, općina Kiseljak, na zemljištu označenom kao k.č. broj: 946/1, 947/1, 947/3 i 973/3 K.O. Podastinje, općina Kiseljak.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice «SARAJEVSKI KISELJAK» d.o.o. Kiseljak, obezbijedi da se sistem za prikupljanje, precišćavanje i ispuštanje tehnoloških otpadnih voda nastalih u procesu proizvodnju osvježavajućih pića, mineralne vode i drugih flaširanih voda, te pranjem opreme i radnih površina kao i iz objekata izgrađenih u krugu predmetnog proizvodnog kompleksa, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Čišćenje uređaja za tretman tehnoloških otpadnih voda (separatora), te odvoz i konačno zbrinjavanje istih, kao i ostalog otpada sa lokacije predmetnog poslovnog objekta za skladištenje kože može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja, neophodno je voditi službenu evidenciju i arhivu.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti emisija otpadnih voda utvrđene u Prilogu 5. tabela 2 kolona 3. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

- Izvjestaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj: 14/10, 14/13, 26/14, 23/17 i 41/20).
- 3.5. Ukoliko Vlada kantona propiše dodatne (strožije) uvjete od uvjeta definisanih Prilogu 5. tabela 2 kolona 3. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.6. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.7. Da se kod pranja koriste sredstva koja su prikladna okolinskim zahtjevima.
 - 3.8. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.9. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.10. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.11. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
 - 3.12. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH”, broj 92/07, 46/09, 79/11, 88/12 i 03/16), korisnik je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
 5. U periodu važenja ove dozvole, korisnik predmetnog objekta «SARAJEVSKI KISELJAK» d.d. Kiseljak, je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice «SARAJEVSKI KISELJAK» d.o.o. Kiseljak, zahtjevom broj: 371/24 od 22.04.2024 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda sa lokacije kompleksa za proizvodnju osvježavajućih pića, mineralne vode i drugih flaširanih voda, izgrađene u ulici Kraljice Mira 7, općina Kiseljak, na zemljištu označenom kao k.č. broj: 946/1, 947/1, 947/3 i 973/3 K.O. Podastinje, općina Kiseljak.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra broj: 051-0-RegZ-24-000283 od 26.02.2024 godine, izdatog od strane Općinskog suda u Travniku-ovjerena kopija,
- Uvjerenje o poreznoj registraciji izdato 04.09.2019.godine, od strane Porezne uprave – Kantonalni ured Novi Travnik-kopija,
- Rješenje o izmjenama podataka u sudskom registru broj: 051-0-RegZ-24-000375 od 03.07.2024 godine, izdatog od strane Općinskog suda u Travniku-ovjerena kopija
- Rješenje o vodnoj dozvoli broj: UP-I/25-3-40-289-4/19 od 15.07.2019. godine izdato od strane Agencije za vodno područje rijeke Save, Sarajevo,
- Kopija uplatnice administrativne takse,
- Rješenje o vodnoj dozvoli broj: UP1-06-21-6214/2023 godine od 31.07.2023. godine, izdato od strane Ministarstva poljoprivrede, vodoprivrede i šumarstva Srednjobosanski kanton,
- Rješenje o ispunjenju uslova broj UP-I-03-4-20/1-852-1/23 Od 02.10.2023 godine izdato od strane Federalnog ministarstva poljoprivrede, vodoprivrede i šumarstva,
- Ugovor o sakupljanju, skladištenju i zbrinjavanju opasnog otpada sklopljen sa „AIDA-COMMERCE“ d.o.o. Sarajevo, broj 1568-1/22 i 1567/22 od 04.08.2022 godine,
- Zapisnik o izvršenoj tlačnoj probi –ispitivanje nepropusnosti rezervoara broj 1307/16-DS od 04.07.2016 godine izvršenoj od strane „DELTA PETROL“ d.o.o. Kakanj,
- Radni nalog na terenu broj: 129-07/16-E,T od strane „DELTA PETROL“ d.o.o. Kakanj
Kopija zahtjeva za izdavanje okolinske- plan aktivnosti, avgust 2018 godine,
- Transportna dokumentacija za otpad (čišćenje septičke jame, separatora i taložnika) od strane „AIDA-COMMERCE“ d.o.o. Sarajevo, septembar 2023 godine,
- Godišnji izvještaj o monitoringu kvaliteta i kvantiteta otpadnih voda «SARAJEVSKI KISELJAK» d.o.o. Kiseljak, za 2023. godinu, urađen od strane „Dvokut-PRO“ d.o.o. Sarajevo,
- Izvještaji o tereta zagađenja otpadnih voda „SARAJEVSKI KISELJAK» d.o.o. Kiseljak sa lokacije kompleksa za proizvodnju mineralne vode i bezalkoholnih pića sa predmetne lokacije, izgrađene u ulici Kraljice Mira 7, općina Kiseljak, urađenog od strane „DVOKUT PRO“ d.o.o. Sarajevo, septembar 2023.godin

B. Tehnička dokumentacija

- Projekat izvedenog stanja instalacija vodovoda i kanalizacije za objekat «SARAJEVSKI KISELJAK» d.o.o. Kiseljak, urađen od strane "Zagrebinspekt" d.o.o. Mostar, april 2014. odine, (uvid prilikom uviđaja na terenu),
- Operativni plan mjera Sarajevskog kiseljaka d.o.o. Kiseljak za slučaj izvanrednih i iznenadnih onečišćenja voda-pogon Sarajevski kiseljak.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH" broj 31/15, 55/19, 41/20, 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-215-2/24 od 05.07.2024. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija kompleksa za proizvodnju mineralne vode i osvježavajućih bezalkoholnih pića, izgrađene u ulici Kraljica Mira 7, općina Kiseljak, na zemljištu označenom kao k.č. broj: 946/1, 947/1, 947/3 i 973/3 K.O. Podastinje, općina Kiseljak. Pored predmene lokacije protiče rijeka Lepenica.

Pravno lice «SARAJEVSKI KISELJAK» d.o.o. Kiseljak je posjedovalo Rješenje o vodnoj dozvoli broj: UP-I/25-3-40-289-4/19 od 15.07.2019 godine izdato od ove Agencije sa rokom važenja od pet godina.

Na predmetnoj lokaciji nalaze se cjeline i to: upravna zgrada I i II, proizvodni pogon sa pratećim sadržajima, skladišta za repromaterijal i gotove proizvode, kotlovnica, kompresorska stanica, objekat crpne stanice, CO₂ stanica, nadstrešnice, 3 bunara, odlagalište otpada sa akumulatorskim stanicom i cestovno manipulativne površine sa parkingom i drugi prateći objekti vezani za predmetnu djelatnost.

U periodu važenja navedenog Rješenja o vodnoj dozvoli podnosilac zahtjeva je ispunio svoje obaveze i to:

- Vršiti se redovno održavanje i korištenje postojećih objekata i sistema čija je svrha prikupljanje tretman i odvodnja tehnoloških otpadnih voda,
- Vršiti se redovan monitoring kvaliteta i kvantiteta otpadnih voda od strane ovlaštene laboratorije,
- Vršiti se zbrinjavanje opasnog otpada od strane ovlaštene firme prema sklopljenom ugovoru.

Prilikom uvidaja utvrđeno je da u tehničko-tehnološkom smislu, obimu i uslovima snabdijevanja, te u načinu prikupljanja tretman i ispuštanja otpadnih voda u predmetnom poslovnom objektu, pravnog lica nije došlo do promjena od izdavanja navedenog Rješenja o vodnoj dozvoli.

Mineralna izvorska voda crpi se iz izvora mineralne vode koji se nalazi u parku, na koji ima sklopljen ugovor o koncesiji. Flaširanje vodom je putem automatizovane linije za punjenje. Ostvareni kapacitet proizvodnje u 2023 godini je 56 mil litara/god sokova a mineralna 40,7 mil l/ god.

Tehnološka voda se crpi iz tri bunara u krugu tvornice i kao takva mora proći tretman obrade. Kod obrade tehnološke vode imamo sljedeće procese: dezinfekciju, filtriranje kroz pješčani filter, filtriranje kroz filter s aktivnim ugljenom, dekarbonizacija i omekšavanje vode. U kompleksu se vrši tehnološki proces proizvodnje mineralne vode i osvježavajućih bezalkoholnih pića.

Predmetni kompleks se sanitarnom/hidrantskom vodom snabdijeva preko javnog gradskog sistema i iz vlastitih spremnika vode koja se crpi iz bunara.

Na predmetnoj lokaciji se vrši značajan promet vozila.

Tehnološka voda koja se koristi u toku proizvodnje tj od pranja opreme i radnih površina, podova se kompletno prikupljena putem rešetki, slivnika i odvodnih kanalizacionih cijevi i odvodi na trokomorni taložnik otpadnih voda na prečišćavanje. Tu se kroz trokomorni taložnik vrši izdvajanje krupnijih čestica i po potrebi neutralizacija lužine sa sonom kiselinom. Nakon kontrole pH vrijednost tretirana voda se ispušta u prirodni recipijent-rijeku Lepenicu. Tehnološke vode koje nastaju u objektu odlagališta otpada sa akumulatorskom stanicom se odvođe na neutralizator gdje se neutralizira lužina, te se dalje ispušta u sistem odvodnje zauljenih otpadnih voda.

Zauljene vode sa manipulativnih površina ploha br.2, odvođe do separatora masti i ulja sa kaelescentnim filterom tip TEHNIX, Q=3.5 l/s. Zauljene vode sa parkinga i od pranja opreme povratne ambalaze predmetnog kompleksa odvođe do separatora masti i ulja sa koalescentnim filterom tip TEHNIX Q=40l/s. Prečišćene vode se ispuštaju u rijeku Lepenicu.

Autoservis nije u funkciji.

Kotlovnica kao pogon koristi lož ulje koje se skladišti u poluukopanom čeličnom dvoplašnom rezervoaru zapremine 40 m³.

Godišnji izvještaj rezultata ispitivanja kvaliteta tehnoloških otpadnih voda «SARAJEVSKI KISELJAK» d.o.o. Kiseljak za 2023. godinu, urađen od strane „DVOKUT PRO“ d.o.o. Sarajevo, ukazuju da parametri kvaliteta otpadnih voda su u skladu sa dozvoljenim vrijednostima propisanim Uredbom.

Na osnovu tereta zagađenja otpadnih voda „SARAJEVSKI KISELJAK» d.o.o. Kiseljak sa lokacije kompleksa za proizvodnju mineralne vode i bezalkoholnih pića sa predmetne lokacije, izgrađene u ulici Kraljice Mira 7, općina Kiseljak, urađenog od strane „DVOKUT PRO“ d.o.o. Sarajevo, septembar 2023. godine utvrđen je ukupni teret zagađenja je 1.005,74 ES i osnovica za plaćanje posebnih vodnih naknada.

Zbrinjavanje opasnog otpada se vrši od strane ovlaštene firme prema sklopljenom ugovoru.

Na osnovu dostavljene dokumentacije i uvidaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 19., 20. i 21., Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 29. do 33. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, «SARAJEVSKI KISELJAK» d.o.o. Kiseljak, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić, dipl.inž.tehn.



Po ovlaštenju

Rukovodilac sektora za izdavanje vodnih akata

Nihad Pezo

Nihad Pezo, dipl.inž.građ.

Dostaviti:

- «SARAJEVSKI KISELJAK» d.o.o. Kiseljak, ul.Kraljice Mira 7, Kiseljak (Prilog: Operativni plan)
- ☺ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo